



LIS AVENTURIS DI VIGJI



di aghe. Ma nuie, puaret. Al veve provât a montâ sù sul seglâr, ma lis sôs çatis a jerin masse curtis par rivâ al rubinet, e al veve fintremai nascjât se tal sotvâs des rosis su la taule al fos stât alc. Nuie, dut sec. Planc planchin al jere tornât in cusine e, cu la lenghe che i pareve che i colàs par tiere, si jere svicinât ben planchin a di un padielin sui fornei. Dentri, al veve viodût alc che al someave dut fûr che aghe: al jere neri e cuntun odôr une vore fuart. Ma in chel moment, lui si sarès contentât di cualsisedi robe pûr che e fos stade licuide. Po ben, tirade fûr la lengute al veve tacât a bevi cun tante consolazion. Chel licuit i pareve ben un pôc masse mareôs e scûr, ma cun che sêt che al veve nol podeve fâ tant il stomeghin. Intun lamp, al jere rivât a bevisi cuasi trê tacis di caffè! E o savès pûr ce che al vûl di bevi tant caffè, no mo? Par ben dôs gnots, puaret, nol veve rivât plui... a sierâ voli!

(Al va indenant...)

VIGJI PLEN DI SÊT

Vigji, che come simpri al durmive dut intorcolât tra lis gjambis di Daria, al jere cjapadon tai siei siums: si insumiave di cori come un mat ator pai prâts, di rimpinâsi sù su pai arbui, di svoletâ tant che une pavee, di saltuçâ come un crot. Tal sium al veve fatiss cussî tantis corsis, ma soiredut cussî tante fature, che si jere sveât plen di sêt, come se al ves corût pardabon. Intun marilamp, al jere rivât fin in cusine a cirî alc di bevi, ma la sô scudielute e jere vueide. Al veve provât a curiosâ dapardut par cjatâ ancje dome une gotute

Progjet promovût di 'Il Friuli' e 'ARLeF'

TANT PAR RIDI



Doi amîs intun bar:
"Toni, ce cjolistu tu?"
"Ce che tu cjolis tu, Pieri!"



"Benon alore, siôr camarîr, par plasê, doi cafês."
"Alore doi cafês ancje par me!"

CJANTIS, FILASTROCJIS, POESIIS

Un doi trê fant cjava l e re.
Un doi trê vive la cite dal caffè.
(Popolâr)

ZÛCS

Induvinel

O ai la cotule, ma no soi une femine;
o ai il bec, ma no soi un uciel;
o ai dome un braç, ce soio?
(La cogume)



E cumò disegnimi!

Fruts, al è tornât Maman! cuntune gnove stagjon e cun tantis sorpresis!
Us din apontament **su telefriuli**

Gnove stagjon
Ogni vinars aes 17.40
miercus aes 17.40
e domenie aes 7.00

LU SAVEVISO CHE...?

Il caffè al è une pome rosse; il grignel che ducj o cognossin al è dome che la sepe.



LA DETULE DAL DÌ

LA VITE E JE TANT CHE IL CAFÈ: TU PUEDIS METI DUT IL ZUCAR DAL MONT, MA SE TU VUELIS FÂLU DEVENTÂ DOLÇ TU ÂS DI ZIRÂ IL GUCJARIN. A STÂ FERS NOL SUCÊT NUIE.

Pagjinis curadis di Daria Miani
Consulence linguistiche de ARLeF



RICETIS - Master Cogo Furlan

MOUSSE AL CAFÈ

Par fâ la mousse al caffè o vês dibisugne di:

- 200 grams di cjocolate fondente
- 100 grams di zucar
- 2 ûfs
- 2 cjicaris di caffè
- 250 grams di mascarpon

Mi racomandi, prime di scomençâ: lavaitis simpri lis mans; metêt sù lis manecis, un grumâl intor par no sporcjâsi, un cjapiel di



cogo par no pierdi cjavei inte pignate, e fasêtsi simpri judâ di un grant par ducj i passaçs.
Sêso pronti? Alore scomencin!
Metêt la cjocolate a disfâ a bagn marie cul caffè e cul zucar.
Zontait i ros dal ûf e il mascarpon.
Montait i blancs dal ûf a nêf e zontaitju al compost, messedant disot insù.
Strucjait dut in cjicaris di caffè, e lassaitlis tal frigorifar par cualchi ore prime di servî.
Imagjin gjavade dal sit:
<http://www.buttalapasta.it/>

IDEIS PE LETURE



F. Gregoricchio, "Vanilie e Soreli", golaine "Fameis", Didatiche Kappa Vu, 2018.


99 PERAULIS



"99 Peraulis. Fevelâ cul mont. Parlare col mondo. Talking to the world", di Silvana Schiavi Fachin, Futura Edizioni, 2014, realizât in colaborazion cun ARLeF

Cjate lis diferencis

Chestis dôs imagjins a son diferentis tra di lôr par 6 piçui particulârs. Cuâi?



Sudoku

Il Sudoku al è tant che une scachiere, dividude in 4 cuadrâts, cun 16 caselis, 4 riis orizzontâls e 4 verticâls. Il fin al è chel di jemplâ ogni rie, ogni colone e ogni cuadrât cui 4 simbui, cence mai ripetisi.

☼		☆	
	☆	☼	
☾		☼	
	☼		☼
☾		☆	
	☾		☆
☼		☼	

Cuatri colôrs

Doprant dome celest (C), zâl (Z), colôr di rose (R) e vert (V), piture dutis lis areis blancjis dal scheme. Ma atenzion: no tu puedis mai doprâ il stes colôr in areis confinantis!

	R			C	Z
V					R
	C				
Z				Z	
		V			
	C	Z			